

სსიპ დაცული ტერიტორიების სააგენტო



ელექტრონული ტენდერის

დოკუმენტაცია

ვაშლოვანის დაცულ ტერიტორიებში ჰიგიენური კვანძის სამშენებლო სამუშაოების სახელმწიფო
შესყიდვის შესახებ

(CPV45200000 - მთლიანი ან ნაწილობრივი სამშენებლო სამუშაოები და სამოქალაქო მშენებლობის
სამუშაოები)

ქ. თბილისი
2016 წელი

სარჩევი

1. ინსტრუქცია ტენდერში მონაწილეთათვის
2. საკვალიფიკაციო მოთხოვნები
3. ტექნიკური დავალება
4. სახელმწიფო შესყიდვის შესახებ ხელშეკრულების პროექტი
5. დანართი #1 წინადადების ფასი, ფასების ცხრილი (ხარჯთაღრიცხვები)
6. დანართი #2 განმარტებითი ბარათი
7. დანართი #3 ანგარიშსწორების პირობები
8. დანართი #4 რეკვიზიტები
9. დანართი #5 ინფორმაცია გამოცდილების შესახებ
10. დანართი #6 შესრულებულ სამუშაოების საგარანტიო ვადებზე თანხმობა
11. დანართი #7 გეგმა გრაფიკი

1. ინსტრუქცია ტენდერში მონაწილეთათვის

- 1.1 იხ., „სახელმწიფო შესყიდვის ერთიანი ელექტრონული სისტემის მომხმარებელთა სახელმძღვანელო“ და „სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს ოფიციალურ ვებგვერდზე www.procurement.gov.ge
- 1.2 საკონტაქტო ტელეფონის ნომრები:
დავით კოპალიანი 577 33 30 30; გიგა მენაბდიშვილი 577 92 57 57; 995 32 2723074;
- 1.3 სატენდერო დოკუმენტაციის შესახებ დამატებითი ინფორმაციისა და განმარტებების მოთხოვნის საშუალებები და პროცედურა:
„გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „კ“ ქვეპუნქტით გათვალისწინებული „კ“ ქვეპუნქტის მინიჭებიდან ამავე პუნქტის „მ“ ქვეპუნქტით გათვალისწინებული სტატუსის მინიჭებამდე არაუგვიანეს 24 საათისა, ნებისმიერ მიმწოდებელს უფლება აქვს სისტემის მოდულის - „კითხვა/პასუხის“ მეშვეობით მოითხოვოს სატენდერო განცხადებისა და სატენდერო დოკუმენტაციის დაზუსტება.

2. საკვალიფიკაციო მოთხოვნები

2.1. იურიდიული პირებისათვის:

- ა) ცნობა საქართველოს საჯარო რეესტრის ეროვნული სააგენტოდან, იურიდიული პირის ქონებაზე საჯაროსამართლებრივი შეზღუდვის (ყადაღის) არარსებობის შესახებ.
- ბ) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია/ლიკვიდაცია;
- გ) ცნობა სსიპ შემოსავლების სამსახურიდან ბიუჯეტის წინაშე დავალიანების არარსებობის შესახებ.

2.2 ფიზიკური პირებისათვის:

- ა) ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუუნარობის საქმის წარმოება;
- ბ) ცნობა სსიპ შემოსავლების სამსახურიდან ბიუჯეტის წინაშე დავალიანების არარსებობის შესახებ.

2.3 ამ პუნქტის 2.1. და 2.2 ქვეპუნქტით გათვალისწინებული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები წარმოდგენილი უნდა იყოს „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ” სახელმწიფო შესყიდვების სააგენტოს თავმჯდომარის 2011წლის 7 აპრილის #9 ბრძანების 26² მუხლის მე-6 პუნქტისა და მე-12 მუხლის მე-15; მე-17 და მე-18 პუნქტების მოთხოვნათა გათვალისწინებით.

შენიშვნა: საკვალიფიკაციო მოთხოვნები ვრცელდება სუბკონტრაქტორებზეც (მათი არსებობის შემთხვევაში).

3. ტექნიკური დავალება

3.1 გასაწევი სამუშაოების ჩამონათვალი განსაზღვრულია დანართი #1-ით, ხოლო სამუშაოთა შესრულების პირობები და ვადები (ტექნიკური დავალება) განსაზღვრულია დანართი #2-ით (განმარტებითი ბარათი), რომლებიც თანდართულია სატენდერო დოკუმენტაციაზე.

3.2 ანგარიშსწორების პირობები:

ანგარიშსწორების პირობები და ვადები განსაზღვრულია დანართი #3-ის მიხედვით.

3.3 პრეტენდენტის მიერ სისტემაში ასატვირთი დოკუმენტები:

3.3.1 სატენდერო წინადადების ფასი და ფასების ცხრილი დანართი #1-ის (სამი შიტი) მიხედვით (დანართი #1 წარმოდგენილი უნდა იქნეს როგორც excel - ფორმატში, ასევე PDF-ფორმატში, PDF-ფორმატში წარმოდგენილი ფაილი უნდა იყოს ხელმოწერილი და ბეჭდით დამოწმებული).

3.3.2 თანხმობა სატენდერო დოკუმენტაციით გათვალისწინებულ ანგარიშსწორების პირობაზე (დანართი #3).

3.3.3 რეკვიზიტები დანართი #4-ის მიხედვით.

3.3.4 ანალოგიური ხასიათის სამშენებლო ან/და სარემონტო სამუშაოებზე გამოცდილების შესახებ ინფორმაცია, სადაც შესრულებული სამუშაოების საერთო ღირებულება 2014 წლის 1 იანვრიდან 2016 წლის 1 ივლისამდე პერიოდში უნდა იყოს არანაკლებ 100 000 (ასი ათასი) ლარისა.

(გამოცდილების შესახებ აღნიშნულის დადასტურება უნდა მოხდეს დანართი #5-ის შესაბამისად, პრეტენდენტმა უნდა წარმოადგინოს ტენდერით გათვალისწინებული ანალოგიური ხასიათის, სირთულის და შინაარსის სამშენებლო ან/და სარემონტო სამუშაოებზე გაფორმებული ხელშეკრულებების და ამ სამუშაოების დასრულების დამადასტურებელი დოკუმენტის ასლები (სამუშაოების შესრულების აქტი, ან/და შესრულებული სამუშაოების მიღება-ჩაბარების აქტი, ან/და დამკვეთის მიერ გაცემული შესრულებული სამუშაოების დამადასტურებელი ცნობა) სისტემაში წარდგენის გზით).

3.3.6 თანხმობა სატენდერო დოკუმენტაციით გათვალისწინებული სარემონტო სამუშაოების საგარანტიო ვადებისა და პირობების შესახებ (დანართი #6).

3.3.7 შესასრულებელი სამუშაოების გეგმა-გრაფიკი დანართი #7-ის მიხედვით, რომელიც არ უნდა აღემატებოდეს 60 კალენდარულ დღეს.

3.3.8 სატენდერო წინადადების ხელის მოწერისათვის უფლებამოსილი პირის მიერ გაცემული მინდობილობა (საჭიროების შემთხვევაში).

3.3.9 ინფორმაცია არის თუ არა მიმწოდებელი დღგ-ს გადახდელი.

3.4 ელექტრონულ სისტემაში უნდა აიტვირთოს 3.3 პუნქტში ჩამოთვლილი ინფორმაცია, რომელიც ხელმოწერილი უნდა იყოს უფლებამოსილი პირის მიერ.

3.5 დამატებითი მოთხოვნები

3.5.1 სატენდერო წინადადებაში საერთო და ერთეულის ფასი გამოსახული უნდა იყოს ლარში, შემსრულებლისთვის საქართველოს კანონმდებლობით გათვალისწინებული ყველა გადასახადის გათვალისწინებით (დღგ-ს გარდა). ხარჯები უნდა მოიცავდეს ტრანსპორტირების, სამშენებლო ნარჩენებისა და მასალებისაგან სამშენებლო ობიექტის განთავისუფლებისა და დასუფთავების ხარჯებსაც. ხარჯები, რომლებიც არ იქნება გათვალისწინებული სატენდერო წინადადების ფასში, არ იქნება ანაზღაურებული.

3.5.2 სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე.

3.5.3 პრეტენდენტს უფლება აქვს წარმოადგინოს მხოლოდ ერთი სატენდერო წინადადება, ალტერნატიული წინადადება არ განიხილება.

3.5.4 სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

3.6 დაფინანსების წყარო - კავკასიის ბუნების ფონდის მიერ გამოყოფილი გრანტისა და სახელმწიფო ბიუჯეტის თანადაფინანსება.

3.7 შესყიდვის საგარეულო ღირებულება შეადგენს 30000 (ოცდაათი ათასი) ლარს დღგ-ს გარეშე

3.8 პრეტენდენტმა სატენდერო წინადადების ფასში არ უნდა გაითვალისწინოს დღგ, მიუხედავად იმისა, არის თუ არა იგი დღგ-ის გადამხდელი საქართველოს კანონმდებლობის შესაბამისად. შემსყიდველი ორგანიზაცია ვალდებულია ხელშეკრულების ღირებულებაში გაითვალისწინოს სატენდერო წინადადების ფასის შესაბამისი დღგ-ის ოდენობა, თუ ხელშეკრულების დადების მომენტისთვის პრეტენდენტი არის დღგ-ის გადამხდელი საქართველოს კანონმდებლობის მოთხოვნათა შესაბამისად, რისთვისაც პრეტენდენტმა უნდა წარმოადგინოს შესაბამისი დამადასტურებელი დოკუმენტი.

3.9 პრეტენდენტმა სატენდერო დოკუმენტაციით გათვალისწინებული დანართი #1-ის (შესასრულებელი სამუშაოების ჩამონათვალი, სატენდერო წინადადების ფასი, ფასების ცხრილი) წარმოდგენისას უნდა იხელმძღვანელოს საქართველოს

ეკონომიკისა და მდგრადი განვითარების მინისტრის 2012 წლის 12 ივლისის #1-1/1463 ბრძანებისა და საქართველოს მთავრობის 2014 წლის 14 იანვრის #55 დადგენილების შესაბამისად.

3.10 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტი ვალდებულია შემსყიდველის მოთხოვნის შესაბამისად უზრუნველყოს ფასწარმოქმნის ადეკვატურობის დასაბუთება (დასაბუთება შესაძლებელია განხორციელდეს სსიპ ლევან სამხარაულის სახელობის სასამართლოს ექსპერტიზის ეროვნული ბიუროს ან დამოუკიდებელი ექსპერტის მიერ გაცემული დასკვნით) რომელიც ადასტურებს პრეტენდენტის მიერ დაფიქსირებულ ფასად სატენდერო წინადადებით ნაკისრი ვალდებულებების შესრულების შესაძლებლობას). იმ შემთხვევაში, თუ პრეტენდენტის მიერ არ იქნა წარმოდგენილი ან წარმოდგენილი დასაბუთება შემსყიდველის მიერ არ ჩაითვლება დამაკმაყოფილებლად, მოხდება პრეტენდენტის დისკვალიფიკაცია; პრეტენდენტის მიერ წარდგენილი ფასწარმოქმნის ადეკვატურობის დასაბუთება დაზუსტებას არ ექვემდებარება.

შესყიდვის მონაწილე ვალდებულია, შემსყიდველ ორგანიზაციას, მისი მოთხოვნის შემთხვევაში, წარუდგინოს შესყიდვასთან დაკავშირებული შესაბამისი დოკუმენტი ან/და ინფორმაცია.

შენიშვნა:

სამუშაოების შესრულების პროცესში ყველა გამოყენებული მასალა და მოწყობილობა უნდა იყოს მაღალი ხარისხის და შეესაბამებოდეს ამ სფეროში აღიარებულ სტანდარტებს.

შემსყიდველის მოთხოვნის შემთხვევაში, მიმწოდებელი ვალდებულია შემსყიდველს მიაწოდოს შესაბამისი სერტიფიკატები სამუშაოების შესრულების პროცესში გამოყენებულ მასალებსა და მოწყობილობებზე (მათი არსებობის შემთხვევაში).

სამუშაოების შესრულების პროცესში გამოყენებული მასალებისა და მოწყობილობების ტიპი და ვიზუალურ-ტექნიკური მახასიათებლები (ხარისხი, ფაქტურა, ფერი და სხვა), ასევე მიმწოდებლის მიერ წარმოდგენილი გეგმა გრაფიკის შესაბამისად შესასრულებელი სამუშაოების საათობრივი განაწილება თანხმდება შემსყიდველთან.

სასურველია პრეტენდენტი ადგილზე (მის: დედოფლისწყარო) გაეცნოს არსებულ მდგომარეობას ტელ: 599 101850, დამატებითი ინფორმაციის მიღება პრეტენდენტს შეუძლია სატენდერო კომისიის აპარატში;

ტენდერში მონაწილეობით პრეტენდენტი ადასტურებს, რომ ეთანხმება ტექნიკური დავალებით გათვალისწინებულ პირობებს.

ხელშეკრულება სახელმწიფო შესყიდვის შესახებ (პროექტი)

ქ. თბილისი

2016 წ.

1. ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს 2011 წლის 7 აპრილის №9 ბრძანების საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3. „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 1.4. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.
- 1.6. „ეტაპი“ ნიშნავს სამუშაოთა გარკვეულ ნაწილს, რომელიც გათვალისწინებულია სამუშაოთა შესრულების გეგმა-გრაფიკით.

2. ხელშეკრულების დამდგომი მხარეები

ხელშეკრულების მხარეები არიან ერთი მხრივ ს.ს.ი.პ „დაცული ტერიტორიების სააგენტო“ (შემდგომში „შემსყიდველი“), წარმოდგენილი მისი ----- სახით

მდებარე: ქ. თბილისი, გულუას ქ. 6

(შემსყიდველის დასახელება და რეკვიზიტები)

და მეორეს მხრივ — (შემდგომში „მიმწოდებელი“), წარმოდგენილი მისი ----- სახით, დებენ წინამდებარე ხელშეკრულებას შემდეგზე:

მდებარე: -----

(მიმწოდებლის დასახელება და რეკვიზიტები)

3. შესყიდვის ობიექტის დასახელება და ღირებულება

- 3.1. ხელშეკრულების საგანს წარმოადგენს გაშლოვანის დაცულ ტერიტორიებში პიგიენური კვანძების სამშენებლო სამუშაოების შესყიდვა (**CPV45200000 – მთლიანი ან ნაწილობრივი სამშენებლო სამუშაოები და სამოქალაქო მშენებლობის სამუშაოები**;) ელექტრონული ტენდერის საშუალებით (**SPA-----**).
- 3.2. მთლიანი სახელშეკრულებო ღირებულება საქართველოს მოქმედი კანონმდებლობით გათვალისწინებული ყველა გადასახადის ჩათვლით შეადგენს ----- ლარს.
- 3.5. სამუშაოების ჩამონათვალი, ერთეულის და საერთო ღირებულება გაწერილია შესასრულებელი სამუშაოების დეტალურ ხარჯთაღრიცხვაში, რომელიც დაერთვის ხელშეკრულებას და წარმოადგენს მის განუყოფელ ნაწილს (დანართი №1 – შესასრულებელი სამუშაოების დეტალური ხარჯთაღრიცხვა).
- 3.6. შესყიდვა ხორციელდება კავკასიის კავკასიის ბუნების ფონდის მიერ გამოყოფილი გრანტისა და სახელმწიფო ბიუჯეტის თანადაფინანსებით.

4. ხელშეკრულების შესრულების კონტროლი

- 4.1. ხელშეკრულების შესრულების კონტროლი (ინსპექტირება) განხორციელდება ტექნიკური ზედამხედველობის ფორმით. ტექნიკურ ზედამხედველობას „შემსყიდველის“ მხრიდან განხორციელებს სააგენტოს თავმჯდომარის ბრძანებით შექმნილი ინსპექტირების ჯგუფი.
- 4.2. „შემსყიდველს“ ან მის წარმომადგენელს უფლება აქვთ განახორციელონ ტექნიკური კონტროლი და/ან გამოცადონ შესყიდვის ობიექტი, რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან.
- 4.3. „მიმწოდებელი“ ვალდებულია დაემორჩილოს ინსპექტირების ჯგუფის ყველა კანონიერ მოთხოვნას, ხელი შეუწყოს თავისი საქმიანობის განხორციელებისას და შეუქმნას ჯგუფს ყველა პირობა ნორმალური მუშაობისათვის.
- 4.4. შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული შესყიდვის ობიექტის წუნდების მიზეზების მითითებით.
- 4.5. „მიმწოდებელი“ ვალდებულია საკუთარი ხარჯებით, „შემსყიდველის“ მიერ (ან მხარეთა შეთანხმების აქტით) დადგენილ გონივრულ ვადაში უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.
- 4.6. შესრულებულ სამუშაოთა მოცულობისა და ღირებულების დადგენა მოხდება შესრულებულ სამუშაოთა ჩამონათვალის (ფორმა №2) და შესაბამისი ექსპერტიზის დასკვნის საფუძველზე.

5. სამუშაოთა შესრულების პირობები

- 5.1. სამუშაოს შესრულება ხორციელდება „მიმწოდებლის“ მიერ წარმოდგენილი, მხარეთა შეთანხმებით დამტკიცებული სამუშაოების შესრულების გეგმა-გრაფიკის შესაბამისად (სამუშაოების შესრულების გრაფიკი).
- 5.2. სამუშაოს შესრულების გრაფიკში ცვლილებების შეტანა შესაძლებელია ურთიერთშეთანხმებით, წერილობითი ფორმით, ხელშეკრულების ერთ-ერთი მხარის მოტივირებული წერილობითი ინიციატივის საფუძველზე.
- 5.3. „მიმწოდებელი“ ვალდებულია ფარული სამუშაოები აწარმოოს ტექნიკური ინსპექტირების ჯგუფის წევრის (წევრების) უშუალო ზედამხედველობის ქვეშ.
- 5.4. „შემსყიდველი“ „მიმწოდებლის“ მიერ წარმოდგენილ შესრულებულ სამუშაოთა ხარჯთაღრიცხვას (ჩამონათვალი, მოცულობა, ღირებულება) საკუთარი სახსრებით ჩაუტარებს ექსპერტიზას შესრულებულ სამუშაოთა მოცულობისა და ღირებულების დადგენის მიზნით. ექსპერტის დასკვნის საფუძველზე განხორციელდება შესაბამის სამუშაოთა საბოლოო მიღება-ჩაბარება.
- 5.5. იმ შემთხვევაში, თუ მიმწოდებლის მიერ წარმოდგენილ და შემსყიდველის მიერ შეთანხმებულ შესრულებულ სამუშაოთა ჩამონათვალში (ფორმა №2) მითითებული შესრულებულ სამუშაოთა მოცულობა და ღირებულება განსხვავდება ექსპერტიზის დასკვნაში დაფიქსირებულ სამუშაოთა მოცულობასა და ღირებულებისაგან, ანგარიშსწორება განხორციელდება უმცირესი ფასის თანახმად წარმოდგენილი დოკუმენტაციის შესაბამისად.
- 5.6. „შემსყიდველი“ უფლებამოსილია მოსთხოვოს „მიმწოდებელს“ სამუშაოთა წარმოების შეჩერება გარკვეული დროით (აღნიშნული დროის სავარაუდო ან ზუსტი მითითებით), რისი მიზეზიც შეიძლება იყოს წინამდებარე ხელშეკრულების ფინანსური უზრუნველყოფის საორგანიზაციო საკითხები. ასეთ შემთხვევაში განაცდური დრო არ ჩაითვლება ვადაგადაცილებაში.
- 5.7. „მიმწოდებელი“ ვალდებულია მოიპოვოს „შემსყიდველის“ თანხმობა ნებისმიერ გადახვევაზე მასთან შეთანხმებული გეგმიებიდან, ნახაზებიდან და მასალებიდან, რომელთა ნიმუშები უკვე წარედგინა „შემსყიდველს“. ამასთან, „მიმწოდებელი“ არ არის უფლებამოსილი დამატებით საზღაურსა და გრაფიკის გაგრძელებაზე, თუ არ განხორციელდა შესაბამისი დამატება ან არ იქნა მიღებული დამკვეთის წერილობითი თანხმობა (განკარგულება ან შესაბამისი წესით გაფორმებული შეთანხმების აქტი) აღნიშნული სამუშაოების შესრულებაზე.
- 5.8. „მიმწოდებელი“ ვალდებულია, „შემსყიდველის“ მოთხოვნის შემთხვევაში, წარუდგინოს მას სამუშაოების შესასრულებლად გამოსაყენებელი მასალის ნიმუში, აღნიშნული მასალის გამოსაყენებლად თანხმობის მიღების მიზნით.

6. სამუშაოს შესრულების აღბილის მომზადება და გარემოს დაცვა

- 6.1. „მიმწოდებელი“ ვალდებულია მოახადოს სამუშაოების შესასრულებლად გამოყოფილი ადგილი შესაბამისი წესით და უზრუნველყოს გარემოს დაცვისთვის საჭირო ღონისძიებების განხორციელება. კერძოდ:
- ა) შეასრულოს ხელშეკრულებით გათვალისწინებული სამუშაოები „მიმწოდებლის“ მიერ ამისათვის გამოყოფილ ტერიტორიაზე და სამუშაოთა დასრულების შემდეგ უზრუნველყოს გარემოს საჭირო და სათანადო აღდგენა;
 - ბ) პასუხისმგებელია შეასრულოს სამუშაო უსაფრთხო და ეკოლოგიურად მისაღები გზით, ვალდებულია უზრუნველყოს სამუშაო ადგილის ფარგლებში მდებარე ხეების და მცენარეების სიცოცხლისუნარიანობა;
 - გ) მინიმუმამდე დაიყვანოს სამუშაოებით გამოწვეული ხმაურის, ვიბრაციის და მტვრის გავლენა;
 - დ) სამუშაოების დასრულების შემდეგ, საბოლოო ცდების პროცედურების დასრულებამდე, საკუთარი ძალებით და სახსრებით გაათავისუფლოს სამუშაო ადგილი (მიმწოდებლის ტერიტორია) სამშენებლო მოწყობილობა-დანადგარებისაგან, სამშენებლო ნარჩენებისაგან, მასალებისაგან, დროებითი ნაგებობებისაგან და ა. შ.

7. სამუშაოთა წარმოების ჟურნალი

- 7.1. სახელშეკრულებო ობიექტზე „მიმწოდებელმა“ უნდა აწარმოოს სამუშაოთა წარმოების ჟურნალი, სადაც ყოველდღიურად ჩაწერს დღიური შესრულებული სამუშაოების მოცულობას, შემსრულებელი პერსონალის მონაცემებს, მექანიზმების ჩამონათვალს, რომელიც მონაწილეობდა სამუშაოს შესრულებაში, ხარისხის დაცვის პროცესებს და სხვა.
- 7.2. „მიმწოდებელი“ და „შემსყიდველი“ ჟურნალში აღნიშნავენ თავის შენიშვნებს, დაკვირვებებს და რეკომენდაციებს სამუშაოს წარმოების შესახებ.
- 7.3. ჟურნალში ჩაიწერება დეფექტების შესწორების, დავალებების და გაფრთხილებების ვადები და ინფორმაცია მათი აღმოფხვრის შესახებ.

8. სამუშაოს შესრულების აღბილი და ვადა

- 8.1. სარემონტო სამუშაოები უნდა განხორციელდეს **განმარტებით ბარათში მითითებულ მისამართზე**;
- 8.2. ხელშეკრულებით გათვალისწინებული სამუშაოები უნდა განხორციელდეს ხელშეკრულების გაფორმებიდან წარმოდგენილი (ხელშეკრულებაზე თანდართული) გეგმა-გრაფიკების (შესასრულებელი სამუშაოების (საათობრივი განაწილება თანხმდება შემსყიდველთან) შესაბამისად.
- 8.3. იმ შემთხვევაში თუ „მიმწოდებელი“ ხელშეკრულებით გათვალისწინებულ სამუშაოებს შეასრულებს დადგენილ ვადაზე ადრე „შემსყიდველი“ ვალდებულია მიიღოს აღნიშნული სამუშაო.

9. შესყიდვის მიღება-ჩაბარების წესი

- 9.1. შესყიდვის ობიექტი ჩაითვლება მიღებულად შესრულებული სამუშაოს შესახებ შესაბამისი მიღება-ჩაბარების აქტის გაფორმების შემდეგ.
- 9.2. სამუშაოთა დასრულება დასტურდება მხარეთა შორის გაფორმებული სამუშაოთა დასრულების აქტით.
- 9.3. ინფორმაცია სამუშაოების დასრულების შესახებ დადასტურებული (დამოწმებული) უნდა იქნეს ინსპექტირების ჯგუფის ხელმძღვანელის მიერ.
- 9.4. „შემსყიდველი“ „მიმწოდებლის“ მიერ წარმოდგენილ შესრულებულ სამუშაოთა ხარჯთაღრიცხვას (ჩამონათვალი, მოცულობა, ღირებულება) საკუთარი სახსრებით ჩაუტარებს ექსპერტიზას შესრულებულ სამუშაოთა მოცულობისა და ღირებულების დადგენის მიზნით. ექსპერტის დასკვნის საფუძველზე და შესრულებული სამუშაოს სრულფასოვანი ფუნქციონირების საბანკო გარანტიის წარმოდგენის შემდგომ განხორციელდება შესაბამის სამუშაოთა საბოლოო მიღება-ჩაბარების აქტის შედგენა.
- 9.5. მიმწოდებელს ხარვეზების ან ნაკლოვანებების აღმოფხვრისათვის შემსყიდველის მიერ განესაზღვრება გონივრული ვადა, რომლის უშედეგოდ გასვლის შემთხვევაში, „შემსყიდველი“ უფლებამოსილია გამოიყენოს „მიმწოდებლის“ მიმართ ხელშეკრულების მე-13 მუხლით გათვალისწინებული პასუხისმგებლობის ზომები.
- 9.6. შესრულებულ სამუშაოთა საბოლოო მიღება-ჩაბარების აქტს შემსყიდველის მხრიდან ხელმოწერით დადასტურებს ობიექტის მიმღები კომისია.

10. გარანტია

- 10.1. „მიმწოდებელი“ ვალდებულია შესრულებულ სამუშაოთა საბოლოო მიღება-ჩაბარების აქტის გაფორმებისას წარმოადგინოს შესრულებული სამუშაოს სრულფასოვანი ფუნქციონირების საბანკო გარანტია, არანაკლებ ხელშეკრულების ღირებულების 3%-ის ოდენობით, რომელიც ძალაში უნდა იყოს მინიმუმ ობიექტის საბოლოო მიღება-ჩაბარების აქტის გაფორმების დღიდან მინიმუმ ერთი წლის განმავლობაში.
- 10.2. „შემსრულებელი“ ვალდებულია საგარანტიო პერიოდის განმავლობაში, ექსპლუატაციის პროცესში წარმოქმნილი ხარვეზები აღმოფხვრას საკუთარი ხარჯებით, შემსყიდველის წერილობითი შეტყობინების შესაბამისად (გონივრულ ვადაში).
- 10.3. იმ შემთხვევაში თუ აღმოჩენილი დეფექტის აღმოფხვრის შეტყობინების მიუხედავად, „შემსრულებელმა“ არ უზრუნველყო დეფექტის გამოსწორება, „დამკვეთი“ უფლებამოსილია გამოითხოვოს დეფექტების აღმოფხვრის შესახებ წარმოდგენილი საბანკო გარანტია და აღმოფხვრას დეფექტი მესამე პირების საშუალებით „მიმწოდებლის“ ხარჯით.

11. ანგარიშსწორება

- 11.1. ანგარიშსწორება განხორციელდება უნაღდო ანგარიშსწორების ფორმით, მიმწოდებლის საბანკო ანგარიშზე.
- 11.2. ანგარიშსწორება შესაძლებელია განხორციელდეს წინასწარი გადახდის საშუალებით (ავანსი), არაუმეტეს ხელშეკრულების ღირებულების 30 %-ის ოდენობით, მხოლოდ შესაბამისი საბანკო გარანტიის (გაცემული საქართველოში რეგისტრირებული საბანკო დაწესებულების მიერ) წარმოდგენის შემთხვევაში, (რომლის მოქმედების ვადა მინიმუმ 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას) მათი წარმოდგენიდან 15 (თხუთმეტი) კალენდარული დღის ვადაში.
- 11.3. მიმწოდებელი ვალდებულია წინასწარი ანგარიშსწორების შედეგად მიღებული თანხები, გამოიყენოს მხოლოდ ხელშეკრულებასთან დაკავშირებული ვალდებულებების შესასრულებლად.
- 11.4. საბოლოო ანგარიშსწორება „შემსრულებელთან“ განხორციელდება ლარებში, უნაღდო ანგარიშსწორების გზით „შემსრულებლის“ საბანკო ანგარიშზე, სამუშაოების დასრულების შესახებ შედგენილი საბოლოო მიღება-ჩაბარების აქტის, სსიპ ლევან სამხარაულის სახელობის სასამართლო ექსპერტიზის ეროვნული ბიუროს მიერ გაცემული შესაბამისი დასკვნის (ექსპერტიზის ხარჯებს დაფარავს შემსყიდველი), შესრულებული სამუშაოს სრულფასოვანი ფუნქციონირების საბანკო გარანტიისა და ანგარიშსწორებისათვის საჭირო სხვა დოკუმენტაციის წარმოდგენიდან 15 (თხუთმეტი) სამუშაო დღის ვადაში.

12. ფასები

- 12.1. ფასების შეცვლა შესაძლებელია მხოლოდ მხარეთა წერილობითი შეთანხმების საფუძველზე საქართველოს სამოქალაქო კოდექსის 398 მუხლის საფუძველზე ხელშეკრულების ღირებულების არაუმეტეს 10% ოდენობით;
- 12.2. ფასების ცვლილების შესახებ ამ ხელშეკრულების მხარემ (ინიციატორმა) უნდა შეატყობინოს მეორე მხარეს წერილობით 10 დღით ადრე. თუ მხარეები არ შეატყობინებენ ერთმანეთს ფასების ცვლილების შესახებ, ფასი რჩება უცვლელი, მიუხედავად ამ ხელშეკრულების 12.1. პუნქტით და მისი ქვეპუნქტებით განსაზღვრული პირობების დადგომისა.

13. ხელშეკრულების პირობების შეუსრულებლობა

- 13.1. ხელშეკრულებით გათვალისწინებული, ნაკისრი ვალდებულებების შესრულებისათვის დადგენილი ვადების დარღვევის შემთხვევაში, ყოველი ვადაგადაცილებული დღისათვის მხარეს ეკისრება პირგასამტეხლო ხელშეკრულების ღირებულების 0.05 %-ის ოდენობით.
- 13.2. წარმოდგენილი გეგმა-გრაფიკის დარღვევის შემთხვევაში, „მიმწოდებელი“ ვალდებულია ორი კვირის ვადაში გაასწოროს არსებული ჩამორჩენა გეგმა-გრაფიკით გათვალისწინებული ვადებიდან, წინააღმდეგ შემთხვევაში, „მიმწოდებელი“ დარღვეულ (ორი კვირა) და შემდგომ პერიოდზე, 13.1 პუნქტის გარდა დამატებით გადაიხდის პირგასამტეხლოს ყოველ გადაცდენილ დღეზე 50 (ორმოცდაათი) ლ~~10~~ის

ოდენობით, გარდა იმ შემთხვევისა თუ ჩამორჩენა ან მისი გამოსწორების ვადის უშედეგოდ გასვლა გამოწვეულია „შემსყიდველის“ მიზეზით.

- 13.3. მხარეების მიერ ხარვეზების არსებობის შესახებ შეუთანხმებლობის შემთხვევაში „დამკვეთი“ იტოვებს უფლებას მოიწვიოს დამოუკიდებელი ექსპერტი და განახორციელონ ხარვეზის შეფასება (ექსპერტის ხარჯს ხარვეზის დადასტურების შემთხვევაში დაფარავს მიმწოდებელი).
- 13.4. ექსპერტის დასკვნის საფუძველზე და ხარვეზის აღმოფხვრის შესახებ „მიმწოდებლის“ მიერ უარის თქმის შემთხვევაში „დამკვეთი“ იტოვებს უფლებას ხარვეზის აღმოფხვრის მიზნით მოიწვიოს მესამე მხარე და ხარვეზის აღმოფხვრისათვის საჭირო თანხის ოდენობა დაუქვითოს „მიმწოდებელს“ საბოლოო შესრულებული სამუშაოების ღირებულებიდან.
- 13.5. საჯარიმო სანქციების გადახდა არ ათავისუფლებს „მიმწოდებელს“ ძირითადი ვალდებულებების შესრულებისაგან.
- 13.6. იმ შემთხვევაში, თუ საჯარიმო სანქციების ჯამური თანხა გადააჭარბებს ხელშეკრულების ღირებულების 2%-ს, შემსყიდველს უფლება აქვს არაჯეროვანი შესრულებისათვის მიმწოდებელს დააკისროს პირგასამტეხლო ხელშეკრულების ჯამური ღირებულების 5 %-ის ოდენობით და ცალმხრივად შეწყვიტოს ხელშეკრულება.

14. ფორს-მაჟორი

- 14.1 ხელშეკრულების საფუძველზე არც ერთი მხარე არ აგებს პასუხს მეორე მხარის წინაშე და თავისუფლდება პასუხისმგებლობისაგან საკუთარი ვალდებულებების შეუსრულებლობის ან არასათანადოდ (ნაწილობრივ) შესრულების გამო, თუ ამის მიზეზი გახდა საგანგებო ხასიათის მქონე გადაულახავი ძალა, რომლის წარმოშობაზე ხელშეკრულების მონაწილე მხარეები პასუხს არ აგებენ და რომლის არსებობის ან წარმოშობის შესახებ ხელშეკრულების დადების მომენტში არ შეეძლოთ სცოდნოდათ.
- 14.2. გადაულახავ ძალად ჩაითვლება სტიქიური უბედურებანი (ხანძარი, წყალდიდობა, მიწისძვრა, შტორმი და სხვა);
- 14.3. ფორს-მაჟორული მოვლენების წარმოშობის შესახებ მხარემ დაუყოვნებლივ უნდა აცნობოს მეორე მხარეს მის ხელთ არსებული საკომუნიკაციო საშუალებით (ტელეფონი, ფოსტა, ფაქსი, ელექტრონული ფოსტა, კურიერი და სხვა).
- 14.4. ფორს-მაჟორული გარემოებების არსებობა ავტომატურად არ იწვევს ხელშეკრულების გაუქმებას. მხარეები ვალდებული არიან განსაზღვრონ წინამდებარე ხელშეკრულების ფორს-მაჟორულ მოვლენებთან მისადაგების საკითხი.
- 14.5. ფორს-მაჟორული გარემოებების შეწყვეტისთანავე მხარეები დაუყოვნებლივ აგრძელებენ ხელშეკრულებით ნაკისრი ვალდებულებების შესრულებას.
- 14.6. ფორს-მაჟორული გარემოებების არსებობის პირობებში, ვალდებულებების შესრულების პერიოდი შეჩერდება იმ დროით, რა დროსაც გასტანა ასეთმა გარემოებებმა თუ მხარეთა შორის არ იქნა მიღწეული სხვაგვარი შეთანხმება.
- 14.7. მხარე არ თავისუფლდება პასუხისმგებლობიდან, თუ კი ფორს-მაჟორული მოვლენის დადგომა გამოწვეულია მისი ბრალით, ან ნაკისრ ვალდებულებათა შესრულება შესაძლებელი იყო ასეთ გარემოებათა დადგომამდეც გონივრულ ვადებში.

15. საღაო საპირობების გადაწყვეტა

- 15.1. მხარეთა შორის წამოჭრილი დავები შესაძლებელია გადაწყვეტილ იქნეს ორივე მხარის ერთობლივი მოლაპარაკების საფუძველზე.
- 15.2 თუ მხარეები ვერ შეძლებენ მოლაპარაკების საფუძველზე გადაწყვიტონ დავა, მაშინ ნებისმიერ მხარეს შეუძლია მიმართოს სასამართლოს კანონმდებლობით დადგენილი წესით.
- 15.3 მხარეებმა ხელშეკრულებაში ცვლილების შეტანა უნდა განახორციელონ ურთიერთშეთანხმების აქტის საფუძველზე.

16. ხელშეკრულების დამატებითი პირობები

- 16.1. „მიმწოდებელი“ ვალდებულია სამუშაოების შესრულების პერიოდში მის მიერ მოხმარებული კომუნალური მომსახურების (წყალი, ელ. ნერგია და სხვა) საფასური დაფაროს საკუთარი ხარჯებით.

- 16.2 სამუშაოების შესრულების პროცესში ყველა გამოყენებული მასალა და მოწყობილობა უნდა იყოს მაღალი ხარისხის და შეესაბამებოდეს ამ სფეროში აღიარებულ სტანდარტებს.
- 16.3 შემსყიდველის მოთხოვნის შემთხვევაში, მიმწოდებელი ვალდებულია შემსყიდველს მიაწოდოს შესაბამისი სერტიფიკატები სამუშაოების შესრულების პროცესში გამოყენებულ მასალებსა და მოწყობილობებზე (მათი არსებობის შემთხვევაში).
- 16.4 სამუშაოების შესრულების პროცესში გამოყენებული მასალებისა და მოწყობილობების ტიპი და ვიზუალურ-ტექნიკური მახასიათებლები (ხარისხი, ფაქტურა, ფერი და სხვა), ასევე მიმწოდებლის მიერ წარმოდგენილი გეგმა გრაფიკის შესაბამისად შესასრულებელი სამუშაოების საათობრივი განაწილება თანხმდება შემსყიდველთან.

17. სხვა პირობები

- 17.1 მხარეები ხელმძღვანელობენ ურთიერთპატივისცემის პრინციპით და თანამშრომლობის გაღრმავების სურვილით.
- 17.2 ხელშეკრულების მხარეები ვალდებული არიან გაუფრთხილდნენ ერთმანეთის სახელს, საქმიან რეპუტაციას და ღირსებას.
- 17.3 მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.
- 17.4 ხელშეკრულების მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების ვერ ან არ შესრულების, მისი შესრულებისას დარღვევების და ა. შ. თუ წინასწარ არ მოხდა შესაბამისი საკითხის ერთობლივი შესწავლა და შესაბამისი ფაქტების დადასტურება.
- 17.5 კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.
- 17.6. ხელშეკრულებას დანართის სახით ახლავს და მის განუყოფელ ნაწილს წარმოადგენს შემდეგი დოკუმენტები:
1. სამუშაოს შესრულების გეგმა-გრაფიკი
 2. შესასრულებელი სამუშაოების დეტალური ხარჯთაღრიცხვა
- 17.7. წინამდებარე ხელშეკრულება შედგენილია ორ ეგზემპლარად ქართულ ენაზე, რომელთაგან თითოეულს გააჩნია თანაბარი იურიდიული ძალა და ინახება „შემსყიდველთან“ და „მიმწოდებელთან“.
- 17.8. წინამდებარე ხელშეკრულების ყველა ცვლილება და დამატება ძალაშია მხოლოდ იმ შემთხვევაში, თუ ისინი შეტანილია წერილობითი სახით და ხელმოწერილია ორივე მხარის სრულუფლებიანი წარმომადგენლის მიერ.
- 17.9. წინამდებარე ხელშეკრულება ძალაში შედის მხარეთა მიერ მისი ხელმოწერის მომენტიდან და მოქმედებს 2016 წლის 31 იანვრამდე.
- 17.10 სატენდერო დოკუმენტაციის დანართი №6 (გარანტია შესრულებულ სამუშაოებზე) ძალაშია საბოლოო მიღება ჩაბარების აქტის გაფორმებიდან ერთი წლის განმავლობაში.

18. მხარეთა რეპროზიტები

„შემსყიდველი“

ს.ს.ი.პ „დაცული ტერიტორიების სააგენტო“

ქ. თბილისი, გულუას ქ. №6

ტელ: 995 32 2752352

ს/კ: 204911337

სახელმწიფო ხაზინა

სახაზინო კოდი: 220101222

ა/ა 200122900

ლაშა მოისწრაფიშვილი
სააგენტოს თავმჯდომარე

**ვაშლოვანის დაცული ტერიტორიების ეროვნული პარკის სოფ. ბუნგალოს, რომელიც
მდებარეობს დედოფლის წყაროდან 60 კმ მანძილზე, სანიტარულ გიგიენური დანიშნულების
შენობის მშენებლობის ორგანიზაციის პროექტის განმარტებითი ბარათი**

- მშენებლობის ორგანიზაციის პროექტის დამუშავებას საფუძვლად დაედო: -
- დავალება პროექტირებაზე;
- პროექტით მიღებული გადაწყვეტილებები;
- ობიექტის ადგილზე დათვალიერება;
- დეფექტური აქტი.
- სამუშაოს წარმოების პროექტი დამუშავებულია მოქმედი სამშენებლო ნორმების, წესებისა და სახელმწიფო სტანდარტების შესაბამისად.
- საპროექტო ობიექტია საქართველოს რესპუბლიკის მუნიციპალიტეტის სოფ. მხენებარე სანიტარულ-გიგიენური დანიშნულების შენობა კერძოდ ტუალეტი 4 კაცზე და შხაპი ასევე 4 კაცზე. ობიექტის აღნიშნული სიმძლავრე მიღებულია ვიზიტიორთა მოსალოდნელი ნაკადის შესაბამისად. შენობა გეგმაში წარმოდგენს სწორ ოთხუთხა მოხაზულობის ფიგურას, კედლები და ტიხრები სრულდება წვრილი საკედლე ბლოკებისაგან ზომით 20*20*40 და 20*10*40სმ, სახურავი თუნუქის პროფილირებული ფენილით, შემდგომში პლასტმასის კიდული ჭერის მოწყობით, შიგა და გარე კედლები იღესება ცემენტო ქვიშის ხსნარით და იღებება სათანადო დანიშნულების საღებავებით, იატაკზე იდება მეთლახის ფილები, კარ-ფანჯრების ღიობები ივსება მეტალოპლასტიკატის ფანჯრის და კარების ბლოკებით, გარე კანალიზაცია ხორციელდება 200 მმ გოფირებული მილებით, მისი არსებულ გამწმენდ ნაგებობაში მიერთებით, წყლის მომარაგება ხდება არსებული წყლის რეზერვუარიდან. შენობის სიმაღლე 3 მეტრია, შენობის ფართი 50 კვ.მეტრია, ხოლო მოცულობა 150 კუბომეტრია. მშენებლობის ტერიტორია რთული გეოგრაფიული რელიეფის გამო მიეკუთვნება ძნელად მისასვლელ ადგილს, ფაქტიურად საავტომობილო გზა ადგილზე ბოლომდე მისასვლელად არ არსებობს და მშენებლობისათვის საჭირო მასალების მისატანად საჭირო ხდება სამ ხიდიანი ყველგან მავალი ავტო მანქანების დაქირავება კერძო პირებიდან, მდგომარეობას ის ართულებს, რომ ელექტრო ენერგიის წყარო არ არსებობს ანუ ელექტრო ენერგია მიყვანილი არ არის, რის გამოც სამშენებლო სამუშაოების წარმოება მათ შორის ბეტონის, ქვიშა ცემენტის ხსნარების მომზადება უნდა მოხდეს ადგილზე ხელით, მიწის სამუშაოები მისი მოცულობის სიმცირის გათვალისწინებით უნდა მოხდეს ხელით, ექსპლუატაციის პირობებში წყლით მომარაგება ხდება ავტოცისტერნით შეტანით არსებული წყლის რეზერვუარის მუდმივად შევსებით, ცხელი წყლის მიღება გათვალისწინებულია ორი 200 ლიტრიანი ჰელიო სისტემის დამონტაჟებით, ხოლო ელექტრო განათება არსებულ კორტეჯებზე ჰელიო სისტემიდან დენის გადმოყვანით მშენებლობის ხანგრძლივობა განისაზღვრა 60 დღით; მათ შორის მოსამზადებელი პერიოდის ხანგრძლივობა 7 დღე; . სამუშაო უნდა აწარმოონ 6 კაციანმა ბრიგადამ 1 კალატოხის. 1 მღესაყის, 1 ღურგლის, და 3 დამხმარე მუშის შემადგენლობით, ხოლო წყალსადენ კანალიზაციის და ჰელიო სისტემის დასამონტაჟებლად სპეციალური ბრიგადებმა. აღსანიშნავია ის მდგომარეობა, რომ მშენებლობის წარმოებისათვის დროებითი ნაგებობების აღმართვა არაა საჭირო, რადგანაც იქვე არსებული კორტეჯები შეიძლება გამოყენებულ იქნეს ამ დანიშნულებით დამკვეთთან შეთანხმებით, მშენებლობის პროცესში მუდმივად დაცულ უნდა იქნეს ქვემოთ ჩამოთვლილი სამუშაოს ნორმები და წესები, როგორიცაა:

სნ და № III-17-78 “ქვის კონსტრუქციები”;

სნ და № III-19-81 “ხის კონსტრუქციები”;

სნ და № III-19-81 “სამშენებლო კონსტრუქციების მოსაპიკერებელი სამუშაოები”;

სნ და № III-4-80 “უსაფრთხოების ტექნიკა”(განსაკუთრებით)

ნ და № III.01.85. „სამშენებლო წარმოების ორგანიზაცია“

სნ და № III.04.85 „მშენებლობის ხანგრძლივობის ნორმები“

სახანძრო უსაფრთხოების წესები სამშენებლო-სამონტაჟო სამუშაოების წარმოების დროს;

სახარჯთაღრიცხვო დოკუმენტაცია შედგენილია საპროექტო დავალების საფუძველზე. ეს უკანასკნელი – დეფექტური აქტისა და მუშა ნახაზების საფუძველზე. ხარჯთაღრიცხვა შედგენილია რესურსული მეთოდით

1984 წლის სამშენებლო ნორმებისა და წესების საფუძველზე. სამშენებლო რესურსების ფასები აღებულია რეგიონში მოქმედი საბაზრო-სახელშეკრულებო და სამშენებლო რესურსების ფასთა კრებულიდან 2015 წლის მე-4 კვარტლის დონეზე.

შენიშვნა:

ვაშლოვანის ეროვნული პარკის ინფრასტრუქტურის ჩამოთვლილი სამშენებლო სამუშაოების შესრულების საგარაუდო, ნორმატიული ვადა შეადგენს არაუმეტეს 60 კალენდარულ დღეს.

ზემოაღნიშნული ყველა სამშენებლო სამუშაოს დასრულების შემდეგ, ტერიტორია უნდა დასუფთავდეს სამშენებლო ნარჩენებისაგან. ნაგავი შეგროვდეს და გატანილ იქნას ტერიტორიიდან.

ანგარიშსწორების პირობები და ვადები

(პრეტენდენტის დასახელება)

(შევსების თარიღი)

1. ანგარიშსწორება შესაძლებელია განხორციელდეს წინასწარი გადახდის საშუალებით (ავანსი), არაუმეტეს ხელშეკრულების ღირებულების 30 %-ის ოდენობით, მხოლოდ შესაბამისი საბანკო გარანტიის (გაცემული საქართველოში რეგისტრირებული საბანკო დაწესებულების მიერ) წარმოდგენის შემთხვევაში, (რომლის მოქმედების ვადა მინიმუმ 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას) მათი წარმოდგენიდან 15 (თხუთმეტი) კალენდარული დღის ვადაში.

2. მიმწოდებელი ვალდებულია წინასწარი ანგარიშსწორების შედეგად მიღებული თანხები, გამოიყენოს მხოლოდ ხელშეკრულებასთან დაკავშირებული ვალდებულებების შესასრულებლად.

3. საბოლოო ანგარიშსწორება „შემსრულებელთან“ განხორციელდება ლარებში, უნაღდო ანგარიშსწორების გზით „შემსრულებლის“ საბანკო ანგარიშზე, სამუშაოების დასრულების შესახებ შედგენილი საბოლოო მიღება-ჩაბარების აქტის, სსიპ ლევან სამხარაულის სახელობის სასამართლო ექსპერტიზის ეროვნული ბიუროს მიერ გაცემული შესაბამისი დასკვნის (ექსპერტიზის ხარჯებს დაფარავს შემსყიდველი), შესრულებელი სამუშაოს სრულფასოვანი ფუნქციონირების საბანკო გარანტიისა და ანგარიშსწორებისათვის საჭირო სხვა დოკუმენტაციის წარმოდგენიდან 15 (თხუთმეტი) სამუშაო დღის ვადაში.

(ხელმოწერა)

(ბეჭდის ადგილი, არსებობის შემთხვევაში)

რეკვიზიტები

პრეტენდენტის სამართლებრივი ფორმა და დასახელება:

ხელმძღვანელის სახელი და გვარი:

პრეტენდენტის იურიდიული და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული ფოსტის მისამართი:

ბანკის დასახელება:

ბანკი კოდი:

ანგარიშსწორების ანგარიში:

(ხელმოწერა)

(ბეჭდის ადგილი, არსებობის შემთხვევაში)

ინფორმაცია სამშენებლო-სარემონტო სამუშაოების მიწოდების

არანაკლებ 100 000 ლარიანი გამოცდილების შესახებ შემდეგი პირობებით:

2014 წლის 1 იანვრიდან 2016 წლის 1 ივლისამდე ჩათვლით პერიოდში

[illegible]

შენიშვნა: პრეტენდენტმა სისტემის მეშვეობით უნდა წარმოადგინოს გამოცდილების შესახებ ინფორმაციის (სამუშაოების შესრულების აქტი, ან/და შესრულებული სამუშაოების მიღება-ჩაბარების აქტი, ან/და დამკვეთის მიერ გაცემული შესრულებული სამუშაოების დამადასტურებელი ცნობა) დამადასტურებელი დოკუმენტაცია.

(ხელმოწერა)

(ბექდის ადგილი, არსებობის შემთხვევაში)

თანხმობა სატენდერო დოკუმენტაციით გათვალისწინებული შესრულებული სამუშაოების საგარანტიო ვადებისა და პირობების შესახებ

- (1) შესრულებული სამუშაოს სრულფასოვანი ფუნქციონირების გარანტიის ვადა განისაზღვრება საბოლოო მიღება-ჩაბარების აქტის გაფორმების თარიღიდან მინიმუმ 1 (ერთი) წლის განმავლობაში.
- (2) „შემსრულებელი“ ვალდებულია საგარანტიო პერიოდის განმავლობაში, ექსპლუატაციის პროცესში წარმოქმნილი ხარვეზები შემსყიდველის წერილობითი შეტყობინების შემდეგ, მაქსიმალურად მოკლე დროში აღმოფხვრას საკუთარი ხარჯებით.
- (3) იმ შემთხვევაში თუ აღმოჩენილი დეფექტის აღმოფხვრის შეტყობინების მიუხედავად, „შემსრულებელმა“ არ უზრუნველყო დეფექტის გამოსწორება, „დამკვეთი“ უფლებამოსილია აღმოფხვრას დეფექტი მესამე პირების საშუალებით „შემსრულებლის“ ხარჯით.
- (4) „შემსრულებელი“ ვალდებულია შესრულებულ სამუშაოთა საბოლოო მიღება-ჩაბარების აქტის გაფორმებისას წარმოადგინოს შესრულებული სამუშაოს სრულფასოვანი ფუნქციონირების საბანკო გარანტია ხელშეკრულების ღირებულების არანაკლებ 3%-ის ოდენობით.

(ხელმოწერა)

(ბეჭდის ადგილი, არსებობის შემთხვევაში)